

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ**314 Бухоро озиқ-овқат ва енгил саноат технологияси институтини Бухоро юқори технологиялар муҳандислик-техника институтига айлантириш тўғрисида**

Ўзбекистон Республикаси Президентининг «Олий таълим муассасаларининг моддий-техника базасини мустаҳкамлаш ва юқори малакали мутахассислар тайёрлаш сифатини тубдан яхшилаш чора-тадбирлари тўғрисида» 2011 йил 20 майдаги ПҚ–1533-сон қарорини бажариш юзасидан, бозор иқтисодиётининг замонавий талабларига жавоб берадиган юқори малакали мутахассислар тайёрлашни янада такомиллаштириш, шунингдек республика ишлаб чиқариш ва қайта ишлаш тармоқларининг юқори технологиялар соҳасидаги кадрлар ресурс базасини мустаҳкамлаш мақсадида Вазирлар Маҳкамаси **қарор қилади:**

1. Бухоро озиқ-овқат ва енгил саноат технологияси институти Бухоро юқори технологиялар муҳандислик-техника институтига айлантирилсин.

2. Қуйидагилар Бухоро юқори технологиялар муҳандислик-техника институтининг асосий вазифалари этиб белгилансин:

нефть-газ, тўқимачилик ва енгил саноат тармоқлари учун технологик машина ва асбоб-ускуналар, нефть-газ саноати машина ва жихозлари, нефть ҳамда нефть ва газни қайта ишлаш технологияси, технологик жараёнлар ва ишлаб чиқаришларни автоматлаштириш ва бошқариш, радиоэлектрон асбоб-ускуналар ва тизимлар йўналишлари бўйича юқори малакали мутахассислар тайёрлаш;

институт фаолиятининг асосий устувор йўналишлари бўйича ижтимоий аҳамиятга эга бўлган амалий илмий-тадқиқот ишларини рўёбга чиқариш учун замонавий илмий-тадқиқот базасини шакллантириш;

умумтехника ва техника таълим йўналишлари бўйича юқори малакали илмий-педагог кадрлар тайёрлаш, ўқув жараёнини илмий-тадқиқот ва ишлаб чиқариш фаолияти билан чуқур интеграциялаш;

ёшларни миллий, ватанпарварлик ва фидоийлик ғояларига садоқат руҳида тарбиялаш, маънавий бой, ҳар томонлама камол топган, мустақил дунёқарашга ва мустақил фикрлашга эга бўлган шахсни тарбиялаш.

3. Бухоро юқори технологиялар муҳандислик-техника институтининг ўқув жараёнини ташкил этишни такомиллаштириш, профессор-ўқитувчилар таркибини тўлдириш ва зарур моддий-техника базасини яратиш чора-тадбирлари дастури иловага мувофиқ тасдиқлансин.

4. Ўзбекистон Республикаси Олий ва ўрта махсус таълим вазирлиги:

Ўзбекистон Республикаси Иқтисодиёт вазирлиги, Давлат тест маркази, Меҳнат ва аҳолини ижтимоий муҳофаза қилиш вазирлиги билан биргаликда ҳар йили Бухоро юқори технологиялар муҳандислик-техника институтига ўқишга қабул қилиш квоталарини шакллантиришда тармоқларнинг мута-

хассисларга бўлган эҳтиёжини ҳисобга олган ҳолда олий таълим муассасасининг тегишли соҳаларига мувофиқ мутахассислар тайёрлаш йўналишларини назарда тутсин;

бир ой муддатда Бухоро юқори технологиялар муҳандислик-техника институтининг уставини ва тузилмасини белгиланган тартибда тасдиқласин;

2011/2012 ўқув йили бошлангунгача Бухоро юқори технологиялар муҳандислик-техника институтининг таълим йўналишлари ва ихтисосликлари бўйича ўқув режалари ҳамда дастурларини давлат таълим стандартларига мувофиқ тасдиқласин;

2012/2013 ўқув йилидан бошлаб юқори технологиялар соҳасида тасдиқланган асосий таълим йўналишлари бўйича магистрлар тайёрлашни ташкил этиш учун тегишли ўқув-лаборатория базаси ва илмий-педагог ходимлар билан мустаҳкамлаш чора-тадбирларини кўрсин;

Бухоро юқори технологиялар муҳандислик-техника институтининг соҳаси ўзгарганлигини ҳисобга олган ҳолда унинг муҳандис-педагог кадрлари малакасини ошириш ва уларни қайта тайёрлаш истиқбол режасини тасдиқласин.

5. Бухоро нефтни қайта ишлаш заводига кадрларнинг бошқа асосий буюртмачилари билан биргаликда институтнинг ўқув-ишлаб чиқариш ва лаборатория базасини ташкил қилиш ва мустаҳкамлашда кўмаклашиш тавсия этилсин.

6. Ўзбекистон Республикаси Олий ва ўрта махсус таълим вазирлиги идоравий норматив-ҳуқуқий ҳужжатларни ушбу қарорга мувофиқлаштирсин.

7. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари Р.С. Азимов ва Ўзбекистон Республикаси Бош вазирининг ўринбосари А.Н. Арипов зиммасига юклансин.

**Ўзбекистон Республикасининг
Бош вазири**

Ш. МИРЗИЁЕВ

Тошкент ш.,
2011 йил 25 июль,
213-сон

Вазирлар Маҳкамасининг
2011 йил 25 июлдаги 213-сон қарорига
ИЛОВА

**Бухоро юқори технологиялар муҳандислик-техника институтининг ўқув жараёнини ташкил этишни такомиллаштириш, профессор-ўқитувчилар таркибини тўлдириш ва зарур моддий-техника базасини яратиш чора-тадбирлари
ДАСТУРИ**

Т/р	Тадбирлар номи	Бажариш муддатлари	Масъул бажарувчилар
I. Институт фаолиятини ташкил этиш ва ўқув-тарбия жараёнини такомиллаштириш			
1.	Бухоро юқори технологиялар муҳандислик-техника институти уставини белгиланган тартибда тасдиқлаш.	2011 йил июль	Олий ва ўрта махсус таълим вазирлиги, Бухоро шаҳар ҳокимлиги, Бухоро юқори технологиялар муҳандислик-техника институти
2.	Бухоро юқори технологиялар муҳандислик-техника институтининг харажатлар сметаси ва штат жадвалини белгиланган тартибда қайта тасдиқлаш.	2011 йил июль	Бухоро юқори технологиялар муҳандислик-техника институти, Олий ва ўрта махсус таълим вазирлиги, Молия вазирлиги
3.	Бухоро юқори технологиялар муҳандислик-техника институтининг тузилмасини тасдиқлаш.	2011 йил июль	Олий ва ўрта махсус таълим вазирлиги, Бухоро юқори технологиялар муҳандислик-техника институти
4.	Бухоро юқори технологиялар муҳандислик-техника институти Васийлик кенгашини ташкил этиш, унинг таркибига кадрларнинг асосий фойдаланувчилари — Бухоро вилояти корхоналари ва ташкилотлари, вазирликлар ва идораларнинг вакиллари кириштиш.	2011 йил август	Олий ва ўрта махсус таълим вазирлиги, Ўрта махсус, касб-ҳунар таълими маркази, Халқ таълими вазирлиги, Бухоро нефтни қайта ишлаш заводи
5.	Бухоро юқори технологиялар муҳандислик-техника институти фаолият кўрсата бошлаганлиги муносабати билан ёшлар ўртасида фаол тушунтириш, касбга йўналтириш ишларини ташкил этиш ва олиб бориш.	2011-2012 йиллар	Бухоро вилояти ҳокимлиги, Олий ва ўрта махсус таълим вазирлиги, Бухоро юқори технологиялар муҳандислик-техника институти, Миллий телерадиокомпания

Т/р	Тадбирлар номи	Бажариш муддатлари	Масъул бажарувчилар
	Оммавий ахборот воситаларида институтни қайта ташкил этишнинг мақсадлари ва вазифаларини, мамлакат иқтисодиётининг тегишли соҳалари учун кадрлар тайёрлашда унинг ўрни ва аҳамиятини кенг ёритиш.		
6.	2011-2012 ўқув йилидан бошлаб ва кейинги ўқув йилларида жорий этиладиган фанлар ва таълимнинг янги йўналишлари бўйича ўқув режалари ҳамда дастурларни ишлаб чиқиш.	Ҳар йили 1 сентябргача	Олий ва ўрта махсус таълим вазирлиги
7.	<p>Бухоро юқори технологиялар муҳандислик-техника институти ихтисослиги ўзгаришини ҳисобга олган ҳолда институтнинг педагог кадрлари малакасини ошириш ва уларни қайта тайёрлаш бўйича чора-тадбирлар комплексини тасдиқлаш.</p> <p>Тошкент давлат техника университети, Тошкент кимё-технология институти, Тошкент тўқимачилик ва енгил саноат институтининг ихтисосли кафедраларида, «Ўзбекнефтгаз» миллий холдинг компанияси корхоналарида институт ўқитувчиларининг малакасини ошириш ва тажриба орттиришини ташкил этиш.</p>	2011 йил сентябрь	Олий ва ўрта махсус таълим вазирлиги, Тошкент давлат техника университети, Тошкент кимё-технология институти, Тошкент тўқимачилик ва енгил саноат институти, Бухоро нефтни қайта ишлаш заводи, Бухоро юқори технологиялар муҳандислик-техника институти
8.	Бухоро юқори технологиялар муҳандислик-техника институти тайёрлаш йўналишлари бўйича олий маълумотли мутахассисларга бўлган (йиллик ва истиқболли) эҳтиёжни тармоқлар ва минтақаларни ижтимоий-иқтисодий ривожлантиришни ҳисобга олган ҳолда ўрганиш.	Ҳар йили 1 январгача	Иқтисодиёт вазирлиги, Олий ва ўрта махсус таълим вазирлиги, Меҳнат ва аҳолини ижтимоий муҳофаза қилиш вазирлиги, «Ўзбекнефтгаз» МХК, «Ўзбекенгилсаноат» ДАК, Ёғ-мой ва озиқ-овқат саноати уюшмаси
9.	Бухоро юқори технологиялар муҳандислик-техника институти талабалари учун амалиёт базасини ташкил этиш, институт кадрлари фойдаланувчилари ҳисобланган вилоят корхоналари ва ташкилотларида амалиётни ташкил этиш учун масъулларни бириктириш.	2012/2013 ўқув йили бошлангунга қадар	Бухоро вилояти ҳокимлиги, Бухоро нефтни қайта ишлаш заводи, Олий ва ўрта махсус таълим вазирлиги

Т/р	Тадбирлар номи	Бажариш муддатлари	Масъул бажарувчилар
II. Профессор-ўқитувчилар таркибини тўлдириш			
1.	Бухоро юқори технологиялар муҳандислик-техника институти кафедраларини мутахассислар тайёрлаш йўналишларига биноан танлов асосида тегишли йўналишлар бўйича юқори малакали кадрлар билан тўлдириш.	Ҳар йили ўқув йили бошлангун-гача	Олий ва ўрта махсус таълим вазирлиги, Бухоро юқори технологиялар муҳандислик-техника институти
2.	Тармоқлар корхоналаридан, Бухоро юқори технологиялар муҳандислик-техника институти кадрларини тайёрлаш йўналишлари бўйича ихтисослашаётган илмий-тадқиқот ва лойиҳа-қидирув ташкилотларидан етарли илмий-педагогик тажрибага эга бўлган мутахассислар ва олимларнинг маълумотлар базасини яратиш.	2011-2012 йиллар	Бухоро юқори технологиялар муҳандислик-техника институти, Бухоро нефтни қайта ишлаш заводи, Олий ва ўрта махсус таълим вазирлиги, Бухоро вилояти ҳокимлиги
3.	Кейинчалик институтда педагогик фаолият олиб бориши учун ёш мутахассисларни республиканинг базавий олий таълим муассасаларида «Технологик жараёнларни ва ишлаб чиқаришларни автоматлаштириш», «Машинасозликда материалшунослик» мутахассисликлари бўйича мақсадли тайёрлаш.	Жадвалга мувофиқ	Олий ва ўрта махсус таълим вазирлиги
4.	Бухоро юқори технологиялар муҳандислик-техника институтида масофадан ўқитиш элементларини жорий этиш учун зарур техник, дастурий, методик шарт-шароитлар яратиш ва Тошкент давлат техника университети, Тошкент кимё-технология институти, Тошкент тўқимачилик ва енгил саноат институти ўқитувчиларининг лекцияларини ташкил этиш.	2012-2013 йиллар	Олий ва ўрта махсус таълим вазирлиги, Тошкент давлат техника университети, Тошкент кимё-технология институти, Тошкент тўқимачилик ва енгил саноат институти, Бухоро юқори технологиялар муҳандислик-техника институти
5.	Институтнинг махсус кафедралари илмий тадқиқотлари йўналишларини белгилаш, грантлар жалб этишни ташкил этиш ва хўжалик шартномаларини бажариш. Ишлаб чиқариш жараёнларини автоматлаштириш, ресурсларни тежайдиган технологиялар, пахта тозалаш, тўқимачилик ва енгил саноат, нефть ва газни қайта ишлаш тармоқлари, энергия ресурсларини тежайдиган технологиялар ва техника, қишлоқ хўжалиги хом ашёсини қайта ишлаш, озиқ-овқат хавфсизлиги, электроэнергетика ва электро-	2011-2012 йиллар	Олий ва ўрта махсус таълим вазирлиги, Фан ва технологияларни ривожлантиришни мувофиқлаштириш қўмитаси, Бухоро нефтни қайта ишлаш заводи, Бухоро юқори технологиялар муҳандислик-техника институти

Т/р	Тадбирлар номи	Бажариш муддатлари	Масъул бажарувчилар
	технологиялар муаммолари бўйича илмий тадқиқотлар мавзулари рўйхатини ишлаб чиқиш.		
6.	«Ўзбекнефтгаз» МХК корхоналари, Бухоро нефтни қайта ишлаш заводи билан биргаликда қўшма илмий-тадқиқотлар, илмий-методик ишланмалар ташкил этиш.	2012 йилдан бошлаб	Олий ва ўрта махсус таълим вазирлиги, «Ўзбекнефтгаз» МХК, Бухоро нефтни қайта ишлаш заводи, Ёғ-мой ва озиқ-овқат саноати уюшмаси, Бухоро юқори технологиялар муҳандислик-техника институти
7.	<p>Базавий техника олий таълим муассасалари (Тошкент давлат техника университети, Тошкент кимё-технология институти, Тошкент тўқимачилик ва енгил саноат институти)нинг етакчи олимлари раҳбарлигида илмий-тадқиқотлар, илмий-методик ишлар олиб бориш учун ёш ўқитувчиларга шарт-шароитлар яратиш.</p> <p>Бухоро юқори технологиялар муҳандислик-техника институтининг ёш олимларини илмий ишни яқунлаш учун республиканинг базавий техника олий таълим муассасаларига ва илмий муассасаларига юбориш.</p>	2011 йилдан бошлаб	Олий ва ўрта махсус таълим вазирлиги, Тошкент давлат техника университети, Тошкент кимё-технология институти, Тошкент тўқимачилик ва енгил саноат институти, Бухоро юқори технологиялар муҳандислик-техника институти
III. Моддий-техника базасини яратиш ва мустаҳкамлаш			
1.	2011 — 2016 йилларда олий таълим муассасаларининг моддий-техника базасини модернизация қилиш ва мутахассислар тайёрлаш сифатини тубдан яхшилаш дастурига мувофиқ, институтда кадрлар тайёрлашнинг тасдиқланган йўналишлари бўйича кадрлар тайёрлашни ташкил этиш вазифаларидан келиб чиққан ҳолда, Бухоро юқори технологиялар муҳандислик-техника институтининг ўқув-лаборатория корпусларини, талабаларнинг яшаш жойларини ва спорт залларини реконструкция қилиш, мукамал таъмирлаш, замонавий лаборатория асбоб-ускуналари ва техника билан жиҳозлаш.	2011 — 2016 йиллар	Олий ва ўрта махсус таълим вазирлиги, Иқтисодиёт вазирлиги, Молия вазирлиги, Бухоро нефтни қайта ишлаш заводи, Бухоро юқори технологиялар муҳандислик-техника институти, Бухоро вилояти ҳокимлиги

Т/р	Тадбирлар номи	Бажариш муддатлари	Масъул бажарувчилар
2.	Бухоро юқори технологиялар муҳандислик-техника институти-нинг ахборот-ресурс марказини кенгайтириш ва ишларини такомиллаштириш, уни замонавий компьютер ва нусха кўпайтириш техникаси билан таъминлаш, Интернет тармоғига кенг киришини ташкил этиш.	2011-2012 йиллар	Олий ва ўрта махсус таълим вазирлиги, Бухоро нефтни қайта ишлаш заводи, Бухоро юқори технологиялар муҳандислик-техника институти
3.	Кадрлар тайёрлашнинг янги йўналишларига мувофиқ Бухоро юқори технологиялар муҳандислик-техника институтини ўқув-методик адабиётлар, ахборот материаллари (шу жумладан электрон вариантда), даврий махсус нашрлар билан таъминлаш.	2011-2012 йиллар	Олий ва ўрта махсус таълим вазирлиги, Бухоро нефтни қайта ишлаш заводи, Бухоро юқори технологиялар муҳандислик-техника институти